



PAUKOVA MREŽA

Paukova mreža je aktivnost u kojoj učenici sjede ili stoje u krugu i bacaju klupko vunice jedni drugima, pri čemu svaki zadržava dio niti. Dok bacaju, dijele ličnu informaciju, odgovaraju na pitanje, daju doprinos temi ili prepričavaju dio sadržaja.



PAUKOVA MREŽA

Paukova mreža je strategija koja se koristi kao:



- ledolomac,
- metoda provjere znanja i razumijevanja,
- strategija kooperativnog učenja.

Paukova mreža je aktivnost u kojoj učenici sjede ili stoje u krugu i bacaju klupko vunice jedni drugima, pri čemu svaki zadržava dio niti. Dok bacaju, dijele ličnu informaciju, odgovaraju na pitanje, daju doprinos temi ili preporučavaju dio sadržaja. Tokom ove aktivnosti nastaje vizuelna mreža koja simbolizira međusobnu povezanost, zajedništvo i doprinos svakog pojedinca.

CILJEVI STRATEGIJE PAUKOVA MREŽA:

- Razvijanje međusobnog povjerenja i empatije,
- Jačanje osjećaja pripadnosti i zajedništva,
- Podsticanje aktivnog slušanja i govorne interakcije,
- Vizualizacija koncepta timske mreže u kojoj svako ima značajnu ulogu.

KAKO SE IZVODI

Učitelj drži početak klupka vunice i daje odgovor na pitanje (npr. „Kako se osjećam?“).

Zadrži dio vunice, a ostatak (klupko) baci sljedećem učeniku (po izboru).

Novi učenik odgovara na isto pitanje, zadrži svoj dio vunice i baci dalje.

Proces se nastavlja dok svi ne dobiju vunicu i mreža se ne isplete.

KADA KORISTITI PAUKOVU MREŽU

Upoznavanje: svi odgovaraju na pitanja tipa "Kako se zoveš?", "Omiljena hrana?" itd.

Prepričavanje sadržaja: učenici ponavljaju ili prepričavaju dijelove pročitaneog teksta.

Brainstorming: svako daje ideju vezanu za temu (npr. kako zaštititi okoliš).

Formativno praćenje: učitelj uočava ko razumije sadržaj, ko je aktivan ili povučen.

PREDNOSTI

- Jednostavna priprema, nema posebnih troškova (osim klupka vunice).
- Aktivira svakog učenika – svi su uključeni.
- Razvija govorne vještine, pažnju i poštovanje tuđeg mišljenja.
- Vizuelno jača doživljaj zajedništva.
- Može se koristiti od prvog razreda do srednje škole, pa čak i u radu s odraslima.

Paukova mreža je zabavna aktivnost, ali i odlična strategija za povezivanje učenika, jačanje međuljudskih vještina, otvaranje prostora za iskren dijalog i refleksiju.

PRIMJER SCENARIJA AKTIVNOSTI

TEMA: Kako sam proveo/provela ljetni raspust?

Učitelj: "Danas ćemo napraviti paukovu mrežu prijateljstva i priča. Ko god dobije klupko, reći će nam kako je proveo ljetni raspust i zatim će ga baciti nekom drugom."

Pravila:

- Govori samo onaj ko drži klupko.
- Govore nekoliko rečenica kako i gdje su proveli ljetni raspust. (ovisno o uzrastu)
- Kad završe, drže nit vunice i bace klupko drugom djetetu.
- Pokušaju baciti nekome ko još nije govorio.

Mogući odgovori učenika: ("Tokom raspusta sam bio/bila kod bake." "Plivao/plivala sam u moru." "Igrao/igrala sam se s rođacima." "Putovao/putovala sam u...")

Kraj aktivnosti:

Kad svi dobiju priliku da govore i mreža se isplete, učitelj zaključuje: "Pogledajte kako je naša mreža čvrsta i povezana baš kao i mi kad se međusobno slušamo i dijelimo lijepe uspomene."

Refleksija:

Kako ste se osjećali dok ste govorili?

Šta biste voljeli ponovo raditi idućeg raspusta?

Tags

Obrazovne strategije

Custom fields

Tip strategije: Obrazovne strategije

Collections

Obrazovne strategije

Metodika i didaktika